

Dieu, & la fin de toute chose est écrite dans son Livre, il en efface & laisse subsister ce que bon luy semble, il ne se peut pas alterer. Je vois que quelques-uns des impies ont dessein de te faire mourir, tu n'es obligé qu'à les prescher, ie tiendray compte de leurs pechez pour les chastier, ne voyent-ils pas que leurs pais & leurs possessions diminuent tous les iours par tes conquestes? Dieu commande ce qu'il veut, personne ne peut couter ses iugements, il est tres exact à faire compte, leurs predecesseurs ont fait les fins comme eux, mais Dieu est plus fin qu'eux, il sçait le bien & le mal que chacun fait, ils connoistront vn iour à qui doit estre le Paradis, Ils disent que tu n'es pas Prophete, dis leur, c'est assez que Dieu soit tesmoing de la verité entre vous & moy, qui est celuy qui sçait tout ce qui est escrit dans le Livre de la divine Maisté?

---

**LE CHAPITRE D'ABRAHAM,**  
*contenant cinquante Versets,*  
*escrit à la Meque.*

**A**V Nom de Dieu clement & misericordieux. Je suis Dieu misericordieux. Ce liure nous te sauons enuoyé pour faire sortir le peuple des tenebres, le conduire à la lumiere & au chemin de ton Seigneur toujours victorieux & glorieux;  
 tout

tout ce qui est au Ciel & en la terre est à Dieu, malheur est sur les infidelles, ils ressentiront à la fin du monde de tres-grands tourments ; Ceux qui preferent les biens de ce monde à ceux du Ciel, qui se deuoient du chemin de la loy, & qui la veulent peruer-tir, sont en vne tres grande erreur esloignée de la verité. Les Prophetes ont parlé le langage de ceux à qui ils ont esté enuoyez pour les instruire, Dieu de-uoie & conduit qui bon luy semble, il est tout-puis-sant & prudent. Nous auons enuoyé Moysé avec des prodiges pour sortir les enfans d'Israël des tene-bres, & pour les conduire à la lumiere, il leur a ensei-gné les commandemens de la loy, pour seruir d'in-struction à ceux qui persevereront à bien faire, & qui ne seront pas ingrats des graces qu'ils ont receuës. Moysé a parlé à son peuple, & a dit, souuenez-vous de la grace que Dieu vous a faite, il vous a deliurez des gens de Pharaon qui vous faisoient souffrir de grands tourments, qui esgorgeoient vos enfans, qui mal-traittoient vos femmes, & vous faisoient sup-porter de grands maux ( enuoyez de Dieu à cause de vos pechez.) Le Seigneur a dit, si vous n'estes pas in-grats i'augmenteray mes graces sur vous, si vous estes impies vous serez chastiez. Moysé dit à son peuple, si vous & tous les hommes estes impies, sçachez que Dieu sera tousiours glorieux, & qu'il n'a pas besoin de vous. Ne sçaez vous pas ce qui est arriué aupara-uant vous aux gens de Noé, d'Aad, de Temod, & à leur posterité, que personne n'a connu que Dieu ( à

cause de son grand nombre? il leur a enuoyé ses commandemens par ses Prophetes, ils ont mordu leurs doigts de colere, & leur ont dit, nous abiurons & condamnons vostre doctrine, les Prophetes leur ont dit, y a-t'il quelque doute en la créace de l'vnité de Dieu createur du Ciel & de la terre: li vous appelle pour vous pardonner vos pechez, & differe vostre punition iusques au iour nommé; ils ont respondu vous estes hommes comme nous, nous voulez vous empescher d'adorer les Dieux de nos Peres? apportez-nous des raisons assez fortes pour preuuer ce que vous preschez, les Prophetes ont dit, nous sommes hommes comme vous, mais Dieu donne sa grace à qui bon luy semble, nous sommes venus à vous par sa permission, les vray-croyans se doiuent confier en luy, pourquoy ne ferons-nous pas resignez à la volonté de Dieu qui nous a conduits au droit chemin? Nous perseuerons à bien faire, les gens de bien se confient en sa diuine Maieité; Alors les infidelles leur ont dit, Nous vous bannirons de nostre Pays si vous n'estes de nostre Religion: mais Dieu leur a inspiré que les infidelles periront, & qu'ils habiteront la terre apres eux, qu'il protegera ceux qui auront sa crainte deuant les yeux & qui craindront les peines qu'il a preparees pour les meschans; Les Prophetes ont esté protegez de Dieu, & les impies opiniastres ont esté exterminés, ils seront precipitez dedans l'Enfer, & beuront de l'eau plaine d'apostume, d'vrine & de sang, la mort se presentera de tous co-

stez deuant leurs yeux auant qu'ils ayent auale ce bru-  
uage: ils ne mourront pas dans ce malheur, ils souf-  
friront encor de plus grandes peines. Les bonnes  
œuvres que les impies font sont semblables à la pouf-  
siere emportée par vn vent impetueux, elles leur se-  
ront inutiles, & seront exterminées parce qu'ils s'e-  
sloignent de la verité: Ne voyent-ils pas que Dieu a  
cree le Ciel & la Terre? qu'il les peut exterminer; &  
cree vn Peuple nouveau en leur place si bon luy  
semble? Cela n'est pas difficile à Dieu, tout luy est  
connu; Les plus foibles de ceux qui ont suiuy les im-  
pies diront au iour du iugement, nous vous auons  
obey, nous deliurerez-vous au iourd'huy de la puni-  
tion de Dieu? ils respondront, si Dieu nous auoit  
conduits au droit chemin nous vous y aurions con-  
duits, nous sommes malheureux comme vous, nous  
crions & lamentons dans nostre desastre, mais nous  
ne treuons point de refuge ny de protection; le  
diable leur dira, ce que Dieu vous a promis est in-  
faillible, ie vous l'auois prédit, ie vous ay fait deso-  
beir à ses commandemens par mes tenta'ions, ie n'a-  
uois point d'autre pouuoir sur vous que de vous ten-  
ter, vous ne m'avez point fait de mal lorsque vous  
m'avez escouté, vous vous estes fait mal à vous-mes-  
me, ie ne suis pas vostre tuteur, ny vous n'estes pas  
le mien, i'ay esté impie lorsque i'ay souffert cy-deuât  
que vous m'avez adoré, l'Enfer est preparé pour  
vous, & pour tous les infidelles, ils y souffriront de  
grands tourmens, & les gens de bien entreront dans

le Paradis auquel coulent plusieurs fleuves, où ils demeureront eternellement avec toute sorte de benediction & de contentement ; Ne vois-tu pas comme Dieu parle par parabole ? Vne bonne parole est semblable à vn bon arbre qui a pris racine en terre, qui a esleué ses branches au Ciel, & qui produit son fruiet en son temps par la permission de sa diuine Majesté, il enseigne ces paraboles au peuple, peut estre qu'il s'en souuiendra, vne meschante parole est semblable à vn meschant arbre qui a esté arraché de terre, il n'y a rien qui le soustienne, & est sans racine & sans fruiet : Dieu fortifie les vray-croyans par sa parole en ce monde & en l'autre, & deuoye les injustes, il fait ce que bon luy semble : Ne voids-tu pas ceux qui ont changé sa grace à l'impieté, & qui ont fait habiter avec eux dans la maison de perdition ceux qui les ont suiuis ? ils demeureront eternellement dans le feu d'Enfer. Ils disent que Dieu à vn compagnon esgal à luy, & se déuoyent du chemin de sa loy ; Dis leur, vous aurez du bien en ce monde, mais l'Enfer est vostre rendez-vous. Dis aux vray-croyans qui font leurs prieres au temps ordonné, & qui font des aumosnes secrettement ou publiquement, que le iour viendra auquel on ne pourra ny vendre ny acheter, & auquel vn chacun sera recompensé de ses œuures. Dis leur, Dieu a créé la Terre & les Cieux, il fait descendre la pluye du Ciel qui fait produire toute sorte de fruiets pour vous enrichir,

il a créé le nauire qui coule sur la mer par sa permission, il a créé les fleues, il a créé le Soleil & la Lune qui se mouuent continuellement, il a créé le iour & la nuit, & vous a donné tout ce que vous auez désiré, les graces qu'il vous a faites ne se peuuent ny compter ny raconter, neantmoins les habitans de la Meque sont tousiours impies & meschans; Abraham a dit, Seigneur protege cette ville, & la rends le refuge du monde, destourne moy & mes enfans de l'adoration des Idoles, elles ont seduit vne partie du peuple, celuy qui me suiura & professera ton vni-té sera des miens, si quelqu'vn me desobey tu es clement & misericordieux, Seigneur vne partie de ma lignée habite à la Meque en vn lieu infructueux, fais leur la grace de persueuerer en ton seruice, fais incliner le cœur des hommes à les aymer, enrichy-les des fruiçts de la terre, peut-estre qu'ils t'en remercièrent, tu sçais tout ce qui est dans le monde, ie ne le sçay pas, rien ne t'est caché ny au Ciel ny en la terre, Loué soit Dieu qui m'a donné Ismaël & Isaac en ma vieillesse, il exauce les prieres qu'ad bon luy semble. Seigneur, fais moy la grace & à ma lignée de persueuerer à bien faire, exauce mes oraisons, pardonne-moy, pardonne à mon pere & à tous les vray-croyans au iour du Iugement. Ne pense pas que Dieu soit ignorant de ce que font les infidelles, il differe la punition de leurs crimes iusques au iour' que tous les hommes auront les yeux ouuerts, ce iour ils verront leurs pechez deuant

leurs yeux, & leur cœur sera plein de desolation; Si tu presche au peuple le iour du Iugement, Dieu, (diront les impies) nous a-t'il reserué iusques à present pour faire ce que tu nous ordonne? Dis leur, n'auiez vous pas iuré cy-deuant qu'il n'y auoit point de resurrection? vous avez habité avec les iniurés, vous avez veu comme ils ont esté chastiez, & comme nous vous auons parlé par parabole. Certainement ils conspirent mais Dieu cognoit leur conspiration, leur finesse est de tenter le Prophete, de voir s'il fera mouuoir les montagnes; Ne pense pas que Dieu contreuienne à ce qu'il a promis aux Prophetes, il est tout puissant & vindicatif, pense au iour que la Terre & les Cieux changeront de face, & que tout le peuple ressuscitera; ce iour vn seul Dieu tout-Puissant commandera aux hommes de sortir des montemens; Tu verras ce iour les impies liez de leurs chaisnes, leurs vestemens seront pleins de poix & de guitran, leur face sera couuerte de feu, ce iour Dieu recompensera & chastiera chacun selon ses œuvres, il est exact à faire compte; Ce liure a esté enuoyé pour instruire le peuple, & pour luy apprendre qu'il n'y a qu'vn seul Dieu, les Sages s'en souuiendront.